

Broj: 01-14-5-292-1/23-4
Sarajevo, 22.12.2023. godine

Na osnovu člana 70. stav (3) Zakona o javnim nabavkama Bosne i Hercegovine («Službeni glasnik BiH», broj: 39/14 i 59/22) i Zapisnika o ocjeni ponuda Komisije za provođenje postupaka zajedničkih javnih nabavki za Federalno ministarstvo pravde i kazneno-popravne zavode, broj: 01-14-5-292-1/23-3 od 21.12.2023. godine, federalni ministar pravde, donosi

ODLUKU **o izboru najpovoljnijeg ponuđača**

U postupku javne nabavke putem otvorenog postupka za „Sukcesivna nabavka prehrambenih proizvoda u kantini za potrebe kazneno-popravnih zavoda“ izabran je ponuđač Gold Mignon d.o.o. Sarajevo, čija cijena ponude bez PDV-a iznosi 1.690.053,35 KM.

Prijedlog ugovora o nabavci dostavit će se na potpis izabranom ponuđaču po proteku roka od 15 dana, računajući od dana od kada su svi ponuđači obaviješteni o izboru najpovoljnije ponude.

Izabrani ponuđač je obavezan dostaviti dokaze o kvalifikaciji ponuđača, odnosno originale ili ovjerene kopije dokumentacije iz člana 45. stav (1) tačke a) do d) Zakona o javnim nabavkama („Službeni glasnik BiH“, broj: 39/14, 59/22), u roku od 5 kalendarskih dana, kao i ostalu dokumentaciju zahtjevanu tenderskom dokumentacijom. Rok od 5 dana teče od perioda dobijanja ili preuzimanja Odluke o izboru najpovoljnijeg ponuđača.

O b r a z l o ž e n j e

Odlukom o pokretanju postupka javne nabavke putem otvorenog postupka, broj: 01-14-5-292/23 od 09.10.2023. godine pokrenut je postupak javne nabavke za dostavu ponuda za nabavku roba “Sukcesivna nabavka prehrambenih proizvoda u kantini za potrebe kazneno-popravnih zavoda” shodno Tenderskoj dokumentaciji, broj: 01-14-5-292-1/23 od 26.10.2023. godine.

Za predmetnu nabavku je objavljeno Obavještenje o nabavci na Portalu javnih nabavki dana 30.10.2023. godine pod brojem: 1134-1-1-35-3-49/23 i Ispravka Obavještenja broj: 1134-1-1-35-8-55/23 od 05.12.2023. godine.

Komisija za provođenje postupka nabavke je dostavila federalnom ministru pravde Zapisnik o ocjeni ponuda, broj: 01-14-5-292-1/23-3 od 21.12.2023. godine, u kojem je utvrdila da su dostavljene ponude i to:

1. Lala i Laćo d.o.o. Bijeljina, Ponuđač Lala i Laćo d.o.o. Bijeljina nije dostavio dokumentaciju traženu tačkom 8.1. tenderske dokumentacije,
2. GOLD MIGNON d.o.o. Sarajevo, cijena ponude 1.690.053,35 KM bez PDV-a.

Komisija je nakon otvaranja ponuda nastavila s radom radi formalno pravne i suštinske provjere dostavljenih ponuda, te analizom dokumentacije utvrdila da je ponuda ponuđača Gold Mignon d.o.o Sarajevo dostavljena u skladu sa zahtjevom ugovornog organa i da je prihvatljiva za ugovorni organ, dok ponuda ponuđača Lala i Lačo d.o.o. Bijeljina je nepravilna jer ista nije dostavljena u skladu sa zahtjevima iz tenderske dokumentacije tačke 8.1., i to: popunjeni obrazac za ponudu (Aneks 1), popunjeni obrazac za cijenu ponude robe, izjavu o ispunjenosti uslova iz člana 45. stav 1. tačka od a) do d) i stav 4. Zakona, izjavu o ispunjenosti uslova iz člana 47. stav 1. tačka od a) do c) i stav 4. Zakona, izjavu o ispunjenosti uslova iz člana 49. tačka a) Zakona, izjavu ponuđača iz člana 52. Zakona, popunjen i potpisan nacrt ugovora.

Obzirom da je u postupku dostavljena samo jedna prihvatljiva ponuda nije bilo moguće provesti e-aukciju, te cijeneći navedeno, Komisija je dala preporuku federalnom ministru pravde da u skladu sa članom 70. stav (3) Zakona o javnim nabavkama BiH donese Odluku o izboru ponuđača i zaključi ugovor s ponuđačem „Gold Mignon“ d.o.o. Sarajevo u iznosu od 1.690.053,35 bez PDV-a.

Cijeneći navedeno, federalni ministar pravde je donio odluku kao u dispozitivu.

Pravna pouka: Protiv ove odluke može se izjaviti žalba Uredu za razmatranje žalbi Bosne i Hercegovine putem ugovornog organa u roku od 10 (deset) dana od dana prijema odluke.


MINISTAR
Vedran Skoblec

Dostavljeno:

- Lala i Lačo d.o.o. Bijeljina
- GOLD MIGNON d.o.o. Sarajevo
- Arhiva